

# Die vlerke van naaldekokers

[Cecilia Steyn](#)

## Beantwoord die volgende vrae:

Besoek [www.nb.co.za](http://www.nb.co.za) en klik deur na *Die vlerke van naaldekokers*.

1. Gebruik die inligting op die webblad en skryf die volgende inligting oor die boek *Die vlerke van naaldekokers* neer:
  - a) Wie is die skrywer van *Die vlerke van naaldekokers*?
  - b) Hoeveel sal jy vir die boek betaal as jy dit wil aankoop?
2. Die afkorting ISBN staan vir **Internasionale Standaard Boeknommer**. Dit verwys gewoonlik na die papierboekweergawe.
  - a) Waarvoor sal die afkorting **ePub** staan?
  - b) Skryf die korrekte Afrikaanse afkorting vir **VAT** neer. Skryf ook die volledige woord vir die afkorting uit.

Lees ook die **uittreksel** onderaan die boekbeskrywing en beantwoord dan die volgende vrae:

3. Wie is die verteller in hierdie uittreksel?
4. Vertaal die volgende in suiwer Afrikaans:
  - a) bucket list
  - b) skydive
5. Wat bedoel Oupa wanneer hy sê: “Ons het net so ’n klein afspraak met die noodlot”?
6. Dit is duidelik dat Lieke iemand spesiaal is.
  - a) Wie is Lieke en
  - b) Waarom wil Kylie ’n paar goed op Lieke se lys afmerk?
7. Watter rede het Oupa aangevoer om op die *road trip* te gaan?
8. Wat bedoel Kylie wanneer sy sê: “. . . maar dis nie te sê ek is ’n kat met nege lewens nie”?
9. Haal ’n sin op bladsy 124 aan wat aandui dat Lee nie in ’n vrolike bui is nie.
10. Skryf die volgende sin oor in die indirekte rede:

“As ek doodgaan, kan jy my hoed kry.”

Begin met: *Oupa sê dat . . .*
11. Haal ’n sin op bladsy 124 aan wat aandui dat Oupa koppig is.
12. Verduidelik “snuf in die neus kry” (p 125) in jou eie woorde.
13. Dui die beeldspraak in die onderstaande gedeelte aan en benoem dit telkens.

“Voor ek my oë kan knip, seil Oupa oor die rand van die brug. Hy sprei sy arms wyd oop soos ’n arend.”

14. Herskryf die volgende sin op bladsy 125:

“Sy groot palms is wyd oopgesprei.”

Begin jou sin met: *Hy . . .*

15. Watter onmoontlike ding voel weer vir Kylie moontlik terwyl sy besig is met haar sprong? (p 126)

16. Meld of die volgende sinne **waar** of **onwaar** is. Motiveer jou antwoorde met toepaslike aanhalings vanuit die uittreksel.

- Kylie het regtig haar maag en brein langs die pad verloor
- Lee het waarskynlik al voorheen rekspronge gedoen.
- Oupa sal dit nooit weer waag om ’n reksprong te doen nie.
- Kylie dink om Oupa se beste kleindogter te wees, is ’n groot prestasie.

17. Sal jy die boek graag wil aankoop en lees? Gee 'n rede vir jou antwoord.

### Vir inligting oor u naaste boekhandelaar of vryskutagent kontak

**Elana Bredell** Streeksverkoopsbestuurder: Skole (Kusstreke, Vrystaat, Noord-Kaap) | Regional Sales Manager Schools (Coastal Regions, Free State, Northern Cape) [elana.bredell@nb.co.za](mailto:elana.bredell@nb.co.za) of  
**Henk Viljoen** Streeksverkoopbestuurder: Skole (GT, MPU, NW, E.C., L) | Regional Sales Manager Schools (GT, MPU, NW, E.C., L) [henk.viljoen@nb.co.za](mailto:henk.viljoen@nb.co.za).

## Die vlerke van naaldekokers

### MEMORANDUM

---

- Cecilia Steyn
  - R185,00
- Elektroniese publikasie of Electronic publication (Engels)
  - BTW: Belasting op toegevoegde waarde
- Kylie is die verteller.
- emmerlys /emmerskoplys/kluitklaplys;
  - vryval
- Oupa suggereer dat hulle iets gaan doen waarvoor hulle nie heeltemal beheer gaan hê nie – iets wat dus potensieel gevaarlik kan wees.
- Lieke is Kylie se suster.
  - Sy is oorlede (haar as word gemeld) en daarom wil Kylie nou namens haar ’n paar goed doen wat Lieke graag nog wou doen, maar nooit die geleentheid voor gekry het nie.
- Oupa wil navorsing doen vir sy boek wat hy besig is om te skryf.
- Woordeboekverklaring: Al het iemand nege lewens wat aan ’n kat toegedig word, sal hy dit nog nie maak nie – m.a.w. Kylie dink dat sy nie elke keer gevaarlike situasies sal oorleef nie.

9. “Lee se mondhoek lig darem in ’n glimlag vir die eerste keer vandag, al kyk hy nie eens na my nie.”
10. Oupa sê dat, as hy doodgaan, Kylie sy hoed kan kry.
11. “Het jy al ooit jou oupa probeer keer as hy ’n idee in sy kop gekry het?”.
12. Onraad vermoed .
13. “. . . seil Oupa oor die rand. . .” – metafoor; “  
“Hy sprei sy arms wyd oop soos ’n arend.” – vergelyking
14. Hy sprei sy groot palms wyd oop.
15. Dit voel vir haar asof sy weer haar linkerhand kan voel – mooi gesond en lewendig.
16. a) Onwaar – die sprong laat haar so voel.  
b) Waar – Kylie dink hy doen dit soos ’n “pro”.  
c) Onwaar - “Ek gaan sommer weer,” sê hy.  
d) Onwaar – “Ook die enigste een, dink ek, maar sê dit nie.”
17. Eie gemotiveer antwoord. Byvoorbeeld: Ja, want ek wil weet wat het verder met Kylie gebeur. Ek wil weet wat het met Linke gebeur

